

吳穹報施云欺交以利合滔滔其衆直義許心惟君伯仲金石
非固韋弦迭用柯葉四時古之所共昔也三虎季奪天縱今也
二龍叔間邱慟甲乙論辨聲聞我求梓枝岷玉邵氏無儔典校
蓬山佐賢戎州渚宮峴首人賴嘉猷瑤墀記言方册潤色列宿
有耀彌綸皇極鼎臣專征在浚之郊輟我綱轄俾參鞶橐元侯
歸全符節自朝代有伏莽變生中霄呀呀獲噉鄴里流血正直
之形豺狼不啗歸來閑燕望在清切琴史方娛簪裳靡屑抒懷
摘藻致遠詞絕文昌貴郎莫最司戎惟是利器簡於宸衷求賢
得人天下至公鴻鵠不翦麒麟在馭九霄咫尺萬里跬步躡景
傳風遏之中路天若可問余徵其故先哲嗣仁藩翰蓋臣南國

華陰縣志

卷二十 祭文

四十三

西華縣林氏書代印

之紀洞庭之濱叫呼在吟淚血在中搥裂酸楚悽心動神賓階
寂寥總帳參差露溼芳樹風淒曲池劍光塵昏履跡苔滋幽琴
戛而無聲玉華盈而不持惟古今之俱盡悟彭殤之一期留景
食霞兮昔人謂誰隙駒舟壑兮逆者不悲齊修短於一致必後
先之匪移平生言造次在茲本懸解之達觀吁坦懷而暫夷
哀挽徐出泉臺永閔鵠豆匪馨塗芻有位蒼山霧縹素滌波駛
紛帷輔之依遲杳精魂之髣髴匍匐友好伶俜孀稚玉樹春凋
文星晝墜士歎梁木朝嗟國瑞三月徒來百身無異緘惋痛於
胷抱孰哀詞之可既尙饗

祭長安楊郎中文

李商隱

年月日謹以云云之奠祭于宗尹郎中之靈昔莊南華之言物
故則曰若巨室之偃歸人陶真白之語元機則曰雖頑仙不如
才鬼邈矣高論嶢然深旨有感斯文屬在之子黃河九曲太華
三峯陽集作亭之右陰晉之東泱泱佳氣盼蠻孤風生民之秀
惟子之宗既懼四知亦畏三惑昔佐赤符實毗皇極坦蕩王道
昭宣帝則丹青不朽琬琰是刻狀日具東侔辰在北子之伯仲
不忝前人粉飾賢路抑揚薦紳雲間日下國華席珍排龍掩陸
突鶴摧荀卓爾風標朗然流品妍若春輝烈如冬凜燕石知媿
齊竿自審咸指路以光銷盡登門而聲寢難售者價重難知者
聲清披沙揀金由是不媿鳥散花落於今有情劉儒十行孫宏

華陰縣志

卷二十 祭文

四十四

西華縣林氏書代印

三道直路猶絃竄政如掃筆海驚波詞園鞠草文場不寫於中
心册苑空留於秘寶晉千里國漢第一功建幢油碧啓幕蓮紅
寶高主擇韻合人同固不能加減陳掾亦可以喜怒桓公衣蕭
舍香省蘭臺柏赤管朝操青練夜襲佐計相則生聚有經營地
官而集作孤終叶籍於惟荔蒲言念金昆毀冠裂集作帶雪泣
星奔宅裏之荆枝半謝嶺頭之梅萼空繁陟岡望兄詩客之情
何極歸縣見姊騷人之恨猶存乃擢戎曹遂荒京令將換清切
以扶明聖不知者壽難言者命未調季良集作之醫已革曾參
之病嗚呼平生世路縱橫交期孫金盧米百賦千詩桂林岷嶠
一片一枝終以浮沉因兼險夷對皁壤之搖落成老大之傷悲

尙冀他年或陶良夜酒筵琴席燈闌月榭俱開愁別之襟並息
分岐之駕短景未果集作短良晨不借竟鬱結於深衷條淹淪
於大化况南康解榻早降清光會稽繼祖昨辱餘芳情集作分
逾極銜哀更長三十年之間難追往事五千里之外正恨殊鄉
地闊山深川寒樹古杳杳元夜荒荒集作范宿莽生金認石埋玉
恨土寄奠緘詞呼風涕雨噫戲噫戲宗尹之魂來否

祭楊憑詹事

柳宗元

年月子壻謹以清酌庶羞之奠昭祭于丈人之靈卿雲輪困天
漢昭回自然物外寧雜塵埃公稟間氣心靈洞開翺翔自得誰
屑羣猜孝友心信聞於九垓摘華發藻其動如雷世榮甲科亦

華陰縣志

卷二十 祭文

四十五

華安縣林印書社代印

矜顯處公之倭德有而不顧御史之選朝之所注公勤於養投
劾引去時任方隅威刑是務公施其惠亦莫有逆京兆之難下
多怨怒或由以黜瓦石盈路公捍其強仁及童孺左遷而出擁
道牽慕道峻多謗德優見憎煩言既詆倚法斯繩南過九疑東
逾秣陵顛沛三載天書乃徵入傳王國嘉聲聿興詹事東宮致
政是膺年唯始至道則彌勵頡頏今古優游德藝實期濬發再
光文陛誰謂昊大遽茲降厲嗚呼哀哉某以通家承德夙奉良
姻莫成子姓早喪淑人恩禮斯重眷撫惟新綢繆其志實敬實
勤迨今愀然十有八祀家缺主婦身遷萬里謗言未明黜伏逾
紀德輝間絕音塵莫俟歲首發函視遠如邇雖當沉痾心術猶

治撫膺頓首流泣瞪視既歛而還莫傳音旨嚮風長慟於茲已
矣嗚呼哀哉承訃之始卜兆既逾載馳斯文出拜路隅哀從海
澨禮致皇都寸誠相續終歲不渝天道悠遠人世多虞奇心雙
表長恨囚拘嗚呼哀哉

楊氏子承之哀辭并序

柳宗元

楊氏子承之既冠有成人之道其明年四月不幸而夭其外姻
解人柳宗元爲之慟且出涕噫是子也氣淳以愿志專以勤確
然而直方吾未知其止也作辭賦書論其言其偉余方愛之謂
可以爲器者故不知慟且出涕况其親戚者乎凡天之生物也
不類精粹紛疣賢愚混同或遠而合或親而殊然則雖人親戚
亦將有不克知其美者若楊氏子者其親戚皆賢咸得知之也
使知之徒以增其悲愁怨號之聲無爲也用是爲之辭以相其
哀焉

華陰縣志

卷二十 哀辭

四十六

華安縣林印書社代印

葆醇熙兮承貞則懿文章兮好循直誠耿介兮又綽寬學之勤
兮行彌專質圭璋兮文虎豹超凌厲兮馳聖道力未具兮志求
通道之遠兮足先窮有母嗷嗷兮有弟哀號世父孔悲兮湘水
滔滔去昭曠兮沉幽冥魂冥冥兮竟難託死者靜兮生者愁子
之淑兮徒增憂志甚良兮命其蹙子之生兮又何欲悲吾耳兮
動吾神誰使子兮淑且仁嗚呼已乎不可追終怨苦兮徒何爲
按柳宗元爲楊凝壻凝子姪命名皆之如渾之後之敬之是

也承之蓋其子也

為李京兆祭楊凝郎中文

柳宗元

月日檢校工部尚書京兆尹司農卿李實謹以清酌庶羞之奠
敬祭于故兵部郎中楊公之靈惟靈清標霜潔馨德蘭薰冲和
茂著孝友彰聞濬發洪緒激揚清芬思倅德祖學紹子雲瑩彼
靈府彬其英文吐論冠時舒華軼羣百氏之奧一言可分旁貫
釋老豈伊典墳謂躡公相贊揚聖君高山安仰逝水法法嗚呼
哀哉惟是伯仲並為士則連擢首科迭居顯職公之懿美發自
朋僚播于四方令問克昭爛然獨識卓爾孤標翼其容羽儀
清朝載筆東掖動無不紀起草南宮時論增美大梁有艱天子
是使密勿之謀唯道是履復歸郎署職茲中兵簡稽無撓以考
其成英風未滅沉疴遽嬰孰云積善降以促齡昔歲江表獲同
宴語謬為好仁不我遐阻公之元兄復惠德音優游多暇眷眄
逾深清言盈耳尺素相尋冀茲競爽焜耀儒林及此彫落祗摧
我心嗚呼哀哉遣車就引哀挽先路迅風悽悲頽景幽暮傾都
殄瘁揮涕相顧矧茲故人誰任痛慕橫汗一鴈詎寫平素尚饗

華陰縣志

卷二十一 祭文

四十七

西安縣林印書社代印

雜

為楊右相賽

集作

西岳文

獨孤及

年月日司空兼右相楊國忠禮

集作

郡尚書同中書門下平章

事章見素等謹以少牢之奠敬祭於西嶽金天之神頃獻歲達

於三月畜極不雨屯膏未光元元其咨滌滌是懼國忠等是用

虔奉睿謨

集作

聿遵祀典謹遣鳴臯山人章朝真敢徵福於大

神之靈精意纒申而休祐盼蠻宸衷遙達而瑞澤滂霈非神之

幽贊叶於國非

集無此字

之景命符於人則疇能降祥薦祉如此

其速故簠簋犧牲

集作

敬修享禮雖冥應無方非馨香所答而

神感如在庶明靈惟歆尚饗

久旱禱告華山

湯斌

惟神體含金德位列兌方功配兩儀澤潤萬類惟茲關輔實處
神宮牆之下雨暘寒燠咸賴神休乃自去歲三冬無雪入春恆
暘轉亢雲興斯懸塵霾晝噎麥苗涸槁百姓無所歸命夫林咎

華陰縣志

卷二十一 雜

四十八

西安縣林印書社代印

徵事祥異從人良由斌等奉職無狀或政乖刑濫而獄有冤民
或吏墨兵驕而里盈怨氣或單丁獨戶窮苦重其租徭或鰥夫
孤兒死亡莫之振救以故感動天威召致災眚然神目孔明官
之不職宜明賜誅殛奈何舍其有罪而殃我羣黍今斌虔率僚
屬早夜步禱數月于茲矣呼神莫應籲天罔聞下民何知遂疑
神聽不聰而欲別求媚于淫昏之鬼夫山魅澤怪神之所宜屏
斥而淫昏之祀明王之所禁也若三日不雨民奔走于淫昏之
鬼斌不能止也倘氣運否極而通偶與雨會則民必歸靈於鬼
魅將淫祠日甚左道而興雖告以名山大川澤被生民其誰信
之惟神念官吏士民悔過之誠敷奏上帝屏風伯招兩師雲奔

電趨貽我來牟使農夫饑婦知嶽瀆明神果能闔關陰陽吐納
風雨將登堅其畏信之心而淫昏之鬼自不能惑我民者是神
之眷佑斯民不但錫以有年之慶兼資以正德之福仰戴神庥
永永無既謹告

祈雪書

嚴永濬

西安府知府嚴永濬謹齋沐奉書西嶽華山之神昔唐李靖在
布衣日嘗憤世濁亂民未昭蘇乃作書致告於神首言興雲致
雨天實肯從轉孽為祥何有不賴而未且欲擊鼓三問其詞若
近慢侮其傷時憫衆之意實切于中數百年來勒之堅珉在神
塔下凡有識者咸壯其忠義激烈不以爲非今明天子在上帝

華陰縣志

卷二十一 雜

四十九

西安縣林印書社代印

神効靈非靖所遭之空也以永濬缺德承天子命爲吏於茲受
直缺八也民之疾痛叢缺十之傳曰五嶽視三公者其職主於燮
理陰陽輔天子順四時以行八政然必動人事而後格於上天
豈若神之靈與帝潛通呼召之間雲奔電趨有不疾而速之勢
故竊嘗疑夫往者甲辰歲關輔河朔始旱明年乙巳大旱又明
年丙午復旱當是時非神之靈祕而不彰忘吾西土之民蓋天
地之大數循環至此雖眞宰亦莫得鑪錘於其間也夫物窮則
返理之自然民心所欲豐亨豫大此其時也神以聰明正直居
尊聽卑獨不順時默運依人而行乎若永濬者爲吏不職固無
足言矣神嘗受命於相作鎮一方上爲天子倚毗下爲蒼生所

賴精爽所臨非但樹一木封一邱爲廟貌觀也神于此時又何
得不副人之望哉茲走縣官詣祠下請以三日爲禱三日不雪
至五日五日不雪至七日若七日不雪神當昭告于上帝以達
吾民渴想之思以彰郡縣百執事誕慢之罪然後發幽闡靈一
釀三百貽我來牟俾室家相慶則靖之言轉孽爲祥斯不誣也
惟神鑒之

恭詣嶽頂禱雨文

張奎祥

維神作鎮金天被覆全秦興雲雨成歲功答

聖天子之禮誠以惠暎之卿尹牧伯俾得撫柔其民所爲籍賴
寵靈者甚勤且厚矣昔達奚武爲同州刺史躬禱獲應承聖書

華陰縣志

卷二十一 雜

五十

西安縣林印書社代印

以勞曰不憚險危遠陟高峯神聽聰明無幽不燭感厥精誠甘
雨立致赫矣靈威光于往册李祥以薄德來守邦竊慕古義於
乾隆三年三月念七日因旱登求身未辭山雨已霑畝自幸三
河民吏密邇神臬疾痛惟親呼應如響茲屆庚申孟夏亢厲麥
秋民有倒懸之急吏罹如焚之疚李祥徬徨疾走計無所出敢
洗心束脰顛叩帝庭用請民命於大神之前惟吏之不職寧降
戾於厥躬民實無辜嗷嗷可憫叩念前功哀祈後澤靈膏急沛
涸酌頓蘇豈惟末守仰頂洪慈惟神之默贊

聖化垂休古典者更千秋萬禩矣謹告

河水注

鄭道元

左邱明國語云華嶽本一山當河河水過而曲行河神巨靈手
邊脚塌開而爲兩今掌足之跡仍存華巖開山圖曰有巨靈胡
者徧得坤元之道能造山川出江河所謂巨靈最屬首冠靈山
者也常有好事之士故升華嶽而觀厥跡焉自下廟歷列柏南
行十一里東迴三里至中祠又西南出五里至南祠謂之北君
祠諸欲升山者至此皆祈請焉從此南入谷七里又屈一祠謂
之石養父母石龜木主存焉又南出一里至天井井裁容人穴
空迂迴頓曲而上可高六丈餘山上又有微涓細水流入井中
亦不甚沾人上者皆所由涉更無別路欲出井望空視明如在
室窺窗也出井東南行二里峻坂斗上斗下降此坂二里許又
復東上百丈崖升降皆須扳繩挽葛而行矣南上四里路到石
壁緣傍稍進逕一百餘步自此西南出六里又至一祠名曰胡
趨寺神象有童子之容從祠南歷夾嶺廣裁三尺餘兩箱懸崖
數萬仞窺不見底祀祠有感則雲與之平然後敢度猶須騎巖
抽身漸以就進故世謂斯嶺爲搗嶺矣度此二里便屆山頂上
方七里靈泉二所一名蒲池西流注于澗一名太上泉東注澗
下上宮神廟近東北隅其中塞實雜物事難詳載自上宮東北
出四百五十步有屈嶺東南望巨靈手跡唯見洪崖赤壁而已
都無山下上觀之分明矣

渭水注

酈道元

華陰縣志

卷二十一 雜

五十一

西安縣林印書社代印

渭水逕縣故城北春秋之陰晉也秦惠文王五年改曰寧秦漢
高帝八年更名華陰王莽之華壇也縣有華山山海經曰其高
五千仞削成而四方遠而望之又華狀西南有小華山也韓子
曰秦昭王令工施鉤梯上華山以節柏之心爲博箭長八尺棋
長八寸而勒之曰昭王常與天神博於是神僊傳曰中山衛叔
卿嘗乘雲車駕白鹿見漢武帝帝將臣之叔卿不言而去武帝
悔求得其子度世令追其父度世登華山見父與數人博於石
上勅度世令還山層雲秀故能懷靈抱異耳山上有二泉東西
分流至若山雨滂湃洪津泛灑掛溜騰虛直瀉山下有漢文帝
廟廟有石闕數碑一碑是建安中立漢鎮遠將軍段熲更修祠
堂碑文漢給事黃門侍郎張昶造昶自書之文帝又刊其二十
餘字二書有重名於海內又刊侍中司隸校尉鍾繇宏農太守
母丘儉姓名廣六行鬱然修平是太康八年宏農太守河東衛
叔始爲華陰令河東裴仲恂役其逸力修立壇廟夾道樹柏迄
於山陰事見永興元年華百石所造碑

華陰縣志

卷二十一 雜

五十二

西安縣林印書社代印

駁司徒楊綰諡議

太常 蘇文
貞端駁之

蘇端

議曰古者美惡無私褒貶必當將以嘉善而退惡爲列辟之明
典也可不慎歟今謹詳前諡文貞者稽法考事恐非光允時論
發揚來訓矣夫道德博聞文曰清白守節曰貞且元載與司徒
友敬殊深推爲長者首舉清要人莫與京及司徒寵望漸高載

畏其逼又知載廢壞紀綱心貳於君既懼其疑因而疎間通典

有口皆知載惡而獨曾無一言或有發載之惡證告未明抱

誠坐法者司徒時居上列奏達非難不能因此披衷正詞全志

士之命露兇狡之私而乃宴安自泰優游過日使元載禍大滅

身竟勞聖上防伺之慮豈守節不隱耶豈懷道無毒耶非謂文

貞明矣洎元載將謀不忠罔聽蔽聖嗇恩於下招怨於上使北

塞人勞有過時之戍西郊虜入無吊災之惠磁邢忠通典會義

之士將死復生梁宋傷夷之人或寒或餒搜訪旌恤中外所急

載皆絕之使王澤不及於下為行路所嗟而楊公當聖上維新

之時居天下得賢之望誠宜不俟終日造次速言乃寂寥啓悟

華陰縣志 卷二十一 雜 五十三 西安縣林印書社代印

際閉謨猷貪食萬錢之賜虛承一心之顧使防河之人家聞採

緣會要之嘆近甸諸邑多興圻父之憂豈慈惠愛人乎既曰不

慈不惠何以謂之文有隱有毒何以謂之貞矣古者諸侯有國

卿大夫有家上以報祖宗下以處子孫之義也楊公歷處厚俸

人謂儒宗曾不立家又無私廟寧使人老一作闕敬祖之禮位

極亡祭祀二本之宮凡在衣冠誰不歎恨又乖大義一作克就

愍仁接禮之義矣曰文與貞曷可以議聖人立證有公無私字四

通典作盡公而無私之謂也所以周宣不敢私於父證曰厲漢宣不敢私於

祖證曰戾百王明制歷聖通則昔公叔文子有死衛之節修班

制之勤社稷不辱方居此證爰及太宗初魏公徵有匡救公直

之忠中宗未蘇瓌有保安不奪之節所以諸賢甚衆證文貞者

不過數公至於燕公張說先朝辭翰之臣四字二本名節昭著

省司尚謂不可至今人故稱之猶會要是言之焉可比德請牒

太常更詳他證以守彝章庶乎青史之筆不乖於周漢黃泉之

魂免慚於蘇魏謹議

唐丞相證文貞楊綰證議代太常答蘇端駁議

梁肅

議曰有國之典存以位敘其德沒以證易其名名之大小視德

之美惡蓋書其著而略其微要其終而明其義故曰證以尊名

節以一惠恥名之浮於行也楊文貞體淳素之質協時中之德

華陰縣志 卷二十一 雜 五十四 西安縣林印書社代印

爰自下列至於宰司秉心不渝動必由道與夫立功立事開物

濟衆不同日語矣而清儉厲俗明哲保身曰文與貞在我惟允

秉公議者其誰曰不然今奉符謂公與元載交游嘗為載薦引

載之咎惡悉歸於公斯乃昧於觀行定證之義且非君子成人

之美也請區而評之昔荀爽為董卓所舉致位三公及卓數亂

漢政可謂甚矣而漢史曾不以卓之過累於慈明晏子陳氏俱

事齊侯陳志邪而晏志正春秋亦不以陳之惡延于平仲是知

道不必合事不必同則載之於公其事可見况當載秉鈞而公

不參大政載以時望慕我我則靜而守中因疎為簡適見清節

又有發載之惡皆漏泄致辭患自掇也庸可救乎及夫載覆其

鍊公膺大任任職月淺屢以疾辭位且不安安可以寂寥啓悟而責之乎昔季文子相三君無食粟之馬衣帛之妾君子以爲忠楊公以大名厚位出入三朝無宅一區無馬一駒志于清白交不諂瀆可不謂貞乎掌訓誥秉銓衡處成均貳宗伯潤色王度無替厥美加以敏而好學見善如不及可不謂文乎謹按諡法貞之列有三清白守節曰貞大憲克就曰貞憂國志死曰貞文之義有六經緯天地曰文道德博聞曰文愍人接禮曰文不恥下問曰文慈惠愛人曰文修德來遠曰文名既不備事亦殊貫又安可以二王三恪私廟家祭之闕併責于一名哉若具美果在一名則士文伯孔文子且無經緯天地之文孟武伯寧武華陰縣志 卷二十一 雜 五十五 西安縣林印書社代印

而諡典絕矣安在一二蘇魏足爲定制乎謹上參典禮近考故事楊公之名請如前議云爾 諡爲文簡 拜嶽言 唐陳黯 黯自關東隨計來闕下經華嶽祠有巫導以祈謁乃徹蓋整衣馨爐瀝觴頌拜而前緘默而退巫曰客是行也務名耶官耶胡爲乎祈禮而無祈詞神之盼蟹而答盍舒乃誠曰余其來拜以歛長羣山猶人之有聖賢草木之有松蘭百川之有河海鱗羽之有虬鸞屹屹崇崇千霄柱空載國祀典宜人攸宗拜之思盡乎余之敬詞之黯懼乎神之聰且神視果高而聽果深必福其善而禍其淫余行合乎神也必照而臨如欺乎神也祈之乎何 華陰縣志 卷二十一 雜 五十六 西安縣林印書社代印

心巫兮余言無妄兮爲妄言者之箴

登華旨

沈顏

嘗讀李肇國史補云韓文公登華嶽之巔顧視其險絕恐跌墜不可下乃發狂痛哭而欲縋遺書爲訣且譏好奇之過也如是沈子曰吁何不諡文公之旨耶夫仲尼之悲麟悲不在麟也墨翟之泣絲泣不在絲也且阮籍縱車於途途窮輒痛豈始慮不至耶蓋假事諷時致意於此爾前賢道豈相遠文公憤趨榮貪位之人若陟懸崖險不能止俾至身危踣蹶然後歎不知稅駕之所焉可及矣悲夫文公之旨微沈子幾晦乎

國史補韓愈好奇與客登華山絕峯度不可返乃作遺書與

家人訣發狂痛哭華陰令百計取之乃下

隱居詩話李肇國史補載韓愈遊華山窮極幽險心悸目眩不能下發狂號哭投書與家人別華陰令百計取之方能下沈頰作贅書以為肇妄載豈有賢者輕命如此余觀之答張澈詩云洛邑得休告華山窮絕徑倚岩睨海浪引袖拂天星日駕此迴轄金神所司形泉紳拖修白石劍攢高青磴躡躡拳踞梯巖颯傳伶悔狂已咋指垂誠仍鐫銘則知肇記為信然而沈頰為妄辯也

華山經

東蔭商

雍州之隩曰太華之山高五千仞廣十里峻崢嶸骨立質如削成

華陰縣志 卷二十一 雜

五十七

西華縣林印書代印

東望松果西望小華載馳載趨是惟西嶽玉羊之精白帝少昊司之百神之所冢也盤古氏死委厥足巨靈掌闕以通河曲軒轅氏涖止乃會神祇有虞氏西巡狩羣后來同其陰夏后氏導河之域其陽有周氏歸馬之所秦昭王從天神博是勒於此巔其博箭以松柏之心為之長八尺 棋長八寸神龍將亡遺璧瀉池扶玉函探金策厥惟漢武與唐明其峯有三其洞有四石池二十八所上應二十八宿玉井一規生千葉蓮花服之羽化其中有巨石如龜玉女位焉爰有五白其水冷冷溶溶名曰洗頭盆是惟玉漿以酌帝鰲石壘廣數寸其深莫測石馬臨其前夜夢夢有聲其岐有平廣員數百武有草焉如帛如布是生少辛服之體生

香其東南有太上泉側有石生草焉其葉如劍脊其根寸有九節其名曰菖蒲服之令人不夭其間有石鼓不擊自鳴其西南

有松而五鬣上胃女蘿下產茯苓千年化為琥珀其光照夜其東北有柏葉紫而枝衢含露如滴可以已瘳其背有石斑如手形是曰巨靈掌長廣數尋赤光熊熊其西北有洞元石室是實惟五靈元老降臨之宅泉水出焉而北流注于谷如練如虹洛洛如雨其搏有穴肥蟻居之其上無鳥獸而多草木其下多黃金礪石其木多松柏枇杷栗林柿實其草多草蒿管松石韋石南威靈僭赤地利黃精白芝其地間出玉其土可瑩劍其靈異有神馬神龍出入必以風雨其宮觀有集靈宮集德宮存德殿

華陰縣志 卷二十一 雜

五十八

西華縣林印書代印

望僊臺望仙觀上方白雲宮中方太清宮下方雲臺宮鎮寧靈仙寺崇寧萬壽觀歷代所起也其神仙有馮夷茅濛毛女赤斧赤烏公修羊公裴元仁衛叔卿呼子先馬明生伯山甫李仲甫孔元方周莪山孟岐王褒韓衆南陽公主燕濟張楷劉寬郎宗鍾離簡鍾離權魯女生王暉路光尹虔子張石生李方白重白和寇謙之焦道廣韋節王延揚伯醜姚得一張公弼張明 惠杜子華杜懷謙唐若山韋仙翁劉平李元契虛田鸞王寶呂岳楊敬真施無疾陶太白尹子虛李真成生陳搏丁少微劉少翁張無夢劉昭遠姬洞明其棲隱有楊碩楊震王猛司馬郊王易簡鄭雲叟羅隱之翟士端鄭隱是嘗遊於素靈金府帝座之傍鶉首

實沈之疆爰居爰處爰翔爰翔君子說之以祓不祥是山也柱
乾載坤應杓象虎少陰尸政萬物生華主秋成孽變化其日陽
庚陰辛其氣下黑上赤在河之南豫州之介二岑上下厓巖若
雲厥形冠然緣也爲毘挽也爲猶或陟而號或禮而咤勿穿勿
鑿福禍罔有忒雲行雨施以作城於我西陲軒轅氏以後有天
下之君是胥厥縣必以秩禮

華山志概

王宏嘉

山不石不奇不純石不大奇太華創成十里五千仞一石也權
輿錢來抵驍山山十九華山豕也形古可寇冠谷口達巔四十
里嶮平半嶮非繙不可平非如地上視嶮則平耳萬山宮焉爲

華陰縣志

卷二十一 雜

五十九

華安縣林印書社代印

隙爲陟爲嶠爲嶠五里曰關關上桃林坪或取放馬桃林義無
可攷也再上希夷峽卽其脫骨之所峩學學耳古樹霧之遠望
龍蛇蠕動其實樹根盤于石上也水流石罅礫枝柱料料然
出內氣十里莎蘿坪一曰洞大坪東嶽上方峯余讀書臺在峯
之煙縹而上自臺北折數十武爲坎容踵二分垂外爲領容手
至西元門懸數縹以身付縹縹搖身卽隨縹坎不可恃稍不謹
則溝中齒矣稱嶽嶮者此爲最西元門唐元宗寬金僊所遊者
也峯上壞而埒眇下方如得天之半南望嶽尙在天際然非登
嶽正路故道遊嶽者不及此西嶽毛女峯有拜斗臺南卽北
斗坪亦非登嶽正路創成下中爲谷爲徑左右山如佩劍懸刀

峯嵯爲嶧十里十八盤青柯坪城而上坪南抵削成北壁下人
罕至瀑布懸流雨霽風起望之如白鷺羣飛搖搖不定也壁不
可穿東崖壘如雷者千尺曰磳梯行梯不可則穿如上方峯縹
纏纏也余友劉石生鐫作平等觀登者當具此心北折如磳曰
百尺峽崖斷爲橋者二刻壁中凹高數十仞深尺有咫如發耜
然則曰犁溝人伏行不自顧其膺之嶮而刻也前則爲雲臺峯
南望嶽儼然如至尊凝旒而雲臺則執簡奏事拜舞不違者矣
日月崖赤白圓形如旋轉然擦耳崖則止言其嶮耳砢礧之聲
山谷遂應或嘯或詭踰刻如其音不爽趾金天洞見僊掌下蒼
龍嶺壁立千尋如長虹倚天毛髮爲之浙漑過此則嶮稍夷自

華陰縣志

卷二十一 雜

六十

華安縣林印書社代印

千尺峽至嶺或蛇行或蟻行皆用縹踳不敢企卽一步之間心
手交用嗚呼殫矣西望西峯壁有洞方圓可丈餘瀑布注此而
後下可望不可卽也前五將軍樹厯下所謂如莢者今皆不存
然有一松高十仞餘壬午秋王子房摩抄其下醕焉及自嶺回
則松已火化龍去奇甚語云凡羽化者必須朝貴語迺僊樹亦
或然則松之須子房者有日矣未一年聞子房爲國死難或曰
識也余曰此松之所以爲松子房之所以爲子房歟過宗土地
祠則經云創成而四方者是自下視之則一石而四方至此又
參起數峯其中汚也南峯中央峯上仰天池水不深人不敢激
易所謂山澤通氣者松檜森鬱如東荀如列戟風颺颺然如按

如節殆非人間音樂或白帝賜百神之所奏也東西峯相向倚南峯猶膝下西爲蓮花峯東爲明星玉女峯是縣中望見三峯者外此高出而亦稱峯悉霍也西峯下有玉井韓詩花開十丈藕如船然與否也有潭二十八所水瀉下五千仞懸疋練耳當創成之中窈然一竇爲水簾洞隱訣云鳥道絕通人蹤罕到卽嶺上西望注瀑布者也自南峯東下避詔崖有陳圖南像東北由嶺爲齋至東洞楊忠愍公有詩傍東峯大石如諸侯附庸昂首敦晦具龜形建玉女祠亦曰玉女峯上有池如白爲洗頭盆天成澗沟詩含神霧稱明星玉女持玉漿果爾則巨靈劈痕蓮花十丈抑或然耶石北有泐闊五寸深不可測卽唐元宗禱雨

華陰縣志 卷二十一 雜 六十一 西安華林印書社代印

拋簡處西南汚處細辛坪可三四畝布帛產焉今覓之烏有僊掌卽東峯北壁遠望之如人五指遂傳爲巨靈掌跡卽之乃蒼白石相聞耳王涯以爲偶爲掌形近是此三峯大概也高皇夢上帝咫尺在茲矣南爲商維盡山也北顧沙堤河涓涓滔滔曷其有極豐鎬在其西泰山在其東登臨瞻望未嘗不慨然寄慨於斯也全真岩卽南峯南壁東峯南別立一巔退而礪 礎則衛叔卿博石也俱嶮甚立南峯在襟帶間何必足躡以身試不測風雲濛濛峯皆肥籜人行烟霧中山在明暗有無間藉綠幽蒙南北二宗寫不及此可謂造化絕筆名勝多難盡詳僊蹟皆誕載之華嶽集中王宏嘉曰余登三峯見黃河白龍門直抵華陰

折而東河南華嶽嶽造天矣南望離離鮮以扈也董子曰龍縱不弛似仁人志士唯華有之其所表見或華或稷乘兌執矩固少昊之所司也求軒轅會神虞舜觀后之跡不可得陰長生黃墟青玉之函不見其處似誕矣文不雅訓難言之而世之求僊者未嘗不執此以爲傳付鵠也僊可求余將脫巾焉嗟夫黃河洋洋告我以不返矣爾雅小山 別大山鮮

華山紀遊

王宏嘉

余家華山下登遊如食家常茶飯興起卽發興盡遂止無端遊故遊亦弗記庚寅夏邑宰葉公天木師招余同遊是日也雨初霽山帶雲痕人從谷中行青靄之色襲衣袂間飯余讀書臺晚

華陰縣志 卷二十一 雜 六十一 西安華林印書社代印

宿青柯坪時渭上南爾玉讀書坪中酌醜禮嶽展疑而飲澹澹然足遺世也大蘇守穎在坐云內翰只消遊湖中便可了郡事今公將以山中了邑事哉都說謂山行洗盡五百年塵土腸胃身試之自知耳跋躡峯道余恐公畏嶮不克往公乃攝衣而前如輕車就熟路余雖不怯亦不能前過鐵牛臺翻藏經至蒼龍嶺下道室北牖皮之懸崖俯峻谷黥不見底下看黃河如目之視眉堯流款款省之乃船行耳道人設琴公理一操余倚松聽之知其意在高山流水也上蒼龍嶺落欄長嘯想見袁中郎當年撒手行矣史補謂韓昌黎至此畏嶮遺書爲訣余疑其謬也當昌黎疾驅瘴淩屐兵逐之甲士陳庭危不愈于嶺耶而昌黎

略無懼色慷慨而談引喻歸正此其膽氣實有大過人者而獨不敢擲嶺行必不然矣登華旨以爲憤趨榮貪位者若陟懸崖若是則昌黎豈不能著爲文辭而徒托喻畏嶮令後人擬議以爲怯也耶嶺吻黃河尻僂拇登者踰此心目稍放矣歎歎而攜編穿以縵從玉女石看西峯連巖巖巖披勇如菡萏之瓣峯以蓮花名其以此也松頂灌莽清散之風香汗輯矣西南行細辛坪樛齒如也歷二十八池停匯澄鮮味之甚甘安得雨前松蘿一觴按四時文武火消受此水乃頰面而去趨南峯杖立把手問天見衆山奔走傾附之狀勢若爭相獻奇杜詩諸峯羅列似兒孫其縱橫然也少選白雲自足底起穿松如白鶴往來點染

華陰縣志 卷二十一 雜 六十三 西安縣林印書社代印

山色余急向公及爾玉指之曰此黃子久皴法也南峯東松檜峯袁公安鐫石公峯三字同爾玉與公飲此公誦公安遊華記命余評乃鐫余諾之縣中人趣公下晚次青柯坪明日出谷援筆書此

題王安道遊華山圖 王世貞

遊太華山者往往至青柯坪而止至韓退之登其巔不能下擲哭與家人訣其語聞於人人而僂掌蓮花間永絕縉紳先生之跡僅爲樵子牧豎所有洪武中吾州王履安道獨能以知命之歲挾策冒險凌絕頂探幽宅與羽人靜姝問答歸而筆之記若詩又能托之畫而天外三峯高奇曠輿之勝盡矣畫册凡四十

絕得馬夏風格天骨迥爽書法亦純雅可愛安道沒歸之里人武氏而失其四後於長干酒肆見之宛然延津之合也傾囊金親歸爲武家雅語垂二百年而吾友人李憲使攀龍復能登其巔所至書吾姓名于石而吾又託友人王參政道行刻石蓮花峯今年夏復從武侯所借觀安道畫册及詩記磅礴累日太華既兩有吾名姓而吾胸中又具一太華矣是何必減三君子耶爲大粲笑識其末

題王爾公華山圖册 王宏撰

華山故無圖有之自江東王安道始王元美稱其得馬夏風格陸叔平云遂接宋人不似勝國弱腕乃自爲臨之以意相甲乙

華陰縣志 卷二十一 雜 六十四 西安縣林印書社代印

雖未獲寓目其致可想見吾宗兄爾公胸中富丘壑於甲辰之夏挾册登絕頂徧探諸峯之勝處處志之歸爲圖二十四幀又別爲八幀山巒草樹水石徑棧以及殿閣茅茨無一不肖而清逸秀潤瓏灑潑橫看側看遂使華山真面目歷歷楮墨間其位置點竊則有管丘河陽遺法不知視王陸之筆得失何似然以私度之正恐有積薪之歎耳

書郭允伯藏華岳碑後 王宏撰

漢隸之失也久矣衡山尚不辨自餘可知蓋辨之自允伯先生始先生藏古帖甚富華岳碑海內寥寥不數本此本風骨秀偉鋒芒如新尤爲罕觀先生寶之有以也先生於書法四體各臻

其妙其倡明漢隸當與昌黎文起八代之衰同功或云先生豈能作哉能述耳嗚呼秦漢而後詎惟作者難正善述者不易也

毀偽刻李衛公上西嶽書碑記

姚遠翹

華山西嶽廟有唐李衛公靖上西嶽書一碣無知者爭榜之吁是可毀也按趙子函石墨鐫華云此好事者誣衛公而爲之書辭可咲朱竹垞曝書亭集直題爲偽刻前輩識見卓越不與流俗同好然神呼僕射及射獵行雨之事子函又以爲異人不可以常理論而竹垞題跋則反覆詳辨謂衛公初仕隋爲殿內直長尋爲馬邑丞唐高祖擊突厥公察其有非常志乃自鑲上急變可謂不知天命之尤者安得於未遇時逆知爲唐佐命乎告

華陰縣志

卷二十一 雜

六十五 一西安華林印書社代印

文不知何人所作所云斬頭焚廟此豈衛公之言作偽者爲之真妄男子也繇此觀之是書之偽并李肇劉鍊之誕妄可無庸更辨矣獨是西嶽竦尊三輔柴望祭告爲祀典明神豈可以狂簡褻慢之詞列之塔下譬之王公大人巍然在上而一妄人直前詬訾怒乎不怒此碑之存甚非所以安神而致敬也假使當日衛公果有是書而因詞色之抗厲卽預告以官位是直畏其強梗耳赫赫之神顧如是耶前人祇辨其書與字之眞僞而未及慢神之意世人好怪聞衛公擊鼓訴神欲建縱橫之略而其後果出入將相卒如神語遂傳爲美談指碑作證是以妄承妄也今觀此碑乃前明成化壬辰爲陝西左布政使朱英所刻其

跋語謂潞州藤縣皆有刻而祠獨無爲闕典遂翻刻樹之匪特寡識抑且盲心夫潞州者崇寧間刻藤縣者紹興間刻其處皆有衛公廟卽僞爲文以實其事不過誣衛公耳而宋人獨不敢刻于嶽廟者尙知嶽神不可誣也朱英好事乃反以遺玷爲補闕耶且考歐陽修趙明誠所錄皆不載其刻始於崇寧間則其文亦必爲崇寧間人所作其不足信益明矣卽以字書論趙子函云王元美稱之當是潞州本藤縣者不及嶽廟近刻則又下矣是更不必存也後世不顧義理所安率多傳會峯頭鐵鼎則曰老君丹爐廟內枯株則曰青牛老樹然此等尙無關係一聽庸耳俗目之所見聞而衛公僞書既上褻夫神明又導人以

華陰縣志

卷二十一 雜

六十六

西安華林印書社代印

狂悖所關世道人心者匪淺况乎

御製鴻文及頻年祭告之碑煌煌上列容此穢語惡札參錯乎其間哉余方纂修華陰志既已削去此文不因通志及府志並載而存仍舊之見今毅然並此碑毀之諒亦好古訂訛者所共快也於戲周秦漢唐以來鳥篆龍文堅珉貞石盡湮沒于兵燹震蕩之餘而此贗蹟狂言居然久而未滅斯亦重可慨已倘世有同志并潞州藤縣之刻盡曳而倒之衛公有知未必不樂後人爲之濼垢也

乾隆十

修華山谷路記

王宏撰

戊午夏五月二十七日狂風驟作暴雨如注華山講瀑匯而泛

溢坍沒殿舍無慮數百間曾不移畧岸谷倏易路爲之塞蓋非常之災也諸羽士募化重修而某某實董其役俾復厥舊始得往來無阻會詣予請書其事以泐石夫五嶽者天子所以時有事者也故其升有御道焉西嶽舍金德以養生奠我西極惠此下民春日載陽遐邇進香連袂肩隨以答神庥王政之所不禁也夫修理榛塞以時開闢古合方氏之職也予以其有合於先王之制于是不辭而書之記勞也亦以記異

按此乃康熙十六年五月二十七日午刻事也故老傳聞當時山外無纖雲滴雨山內潏然一朶雷霆交作頃卽暴雨數十丈充谷而出湧流二十餘里男婦斃者百餘人浮尸原野

華陰縣志

卷二十一 雜

六十七

華陰縣志印書社代印

謂其時山棲無賴之羽流女冠羣相黽淫有以干神之譴也自此山間道姑絕跡矣

明公修嶽廟水道碑記

華陰縣鄉宦趙一貞楊討因勅建嶽廟關係重大神谷醴泉兩水不足修防資用竇谷山水又多沙石阻塞今會合鄉耆公同輸貲僱匠開山鑿石寬夫修理渠道自廟南渠口訖于山趾渠道并路一丈二尺水路通行直達廟內庶可防火燭而溉樹株且匯諸後苑放生池內以滋游泳不許刁民盜水灌田

四月勒石在
大殿東苑

萬曆四
十一年

私盜嶽廟渠水禁約碑

本朝
邑令 傅光聖

查得嶽峪口泉流引入 嶽廟以防火燭之慮灌樹興作之用並無民間食用何有灌田明碑所載最悉理合遵守勿替前縣趙令蒞茲梁家庄與廟前村爲水爭訟趙令曲順民情令其隨渠食用不意弊端愈生訟詰益甚上流奸民因此截流灌禾數月不令水下下流居民又復忿爭控案獨不思 嶽廟之水非泛流可比此不惟斷下流村堡食用而盛夏極炎之時廟池中毫無勺水倘一時不虞咎將誰歸本應重懲姑念愚氓從寬嗣後止可隨渠搬取毋得另開私渠截流斷水致干罪戾爰鑿碑垂示其各遵守毋致乾隆二年又九月十六日勒石

石廟內碑
亭壁間

華陰縣志

卷二十一 雜

六十八

華陰縣志印書社代印

唐故金紫光祿大夫尚書右僕射致仕上柱國宏農郡開

國公贈司空楊公墓誌銘

李 翱

由楊喜追殺項羽以功封侯後數世生微官至丞相敞曾孫寶不應王莽之命光武特徵老病不刊寶牛靈諸儒謂之關西孔子位至太司徒太尉卒以忠死楊氏由是益大載於史傳世不絕人曾祖珪辰州司戶贈膳部員外郎大父冠俗奉先縣尉贈吏部郎中父太清宋州單父縣尉累贈至太保公諱於陵字達夫年十八舉進士第選補潤州句容主簿鄂嶽觀察使奏爲判官轉左驍衛兵曹累改評事監察御史歷殿中得緋衣銀魚使遷江西公隨之加侍御史著作郎及府除屏居建昌不至京師

貞元八年徵拜膳部員外郎轉考功知別頭舉轉吏部員外郎
及判南曹宰相之親有以文書不足駁去者宰相召吏人詰之
堅執不改遂以公爲宣武弔祭使故事南曹郎未嘗有出使者
公既出宰相之親由是判成矣故公卒不得在詔誥之清選遂
爲右司郎中郎官墮於宿直臨直多以假免公白右丞右丞建
立條例郎官不悅爲作口語宰相有知其事者遽以公爲吏部
郎中改京兆少尹出爲絳州刺史有言公弗當居外者德宗召
見遂以爲中書舍人其年知吏部選事時京兆尹李實有寵去
不附已者故給事中許孟容爲太常少卿而公改祕書少監德
宗崩爲太原幽鎮等十道告哀使節將之遺並辭不受復命除
華陰縣志 卷二十一 雜 六十九 重安縣林印書社代印

華州刺史賜三品衣魚所取資僚皆一時名人後皆得顯官有
至宰相者其年冬遷浙江東道團練觀察使越中大饑人至相
食公奏請度支米三十萬斛又乞糴他道以賑救之民得生全
入爲戶部侍郎未到改京兆尹奏請諸軍諸使有犯罪者皆禁
身推罪以狀牒送本軍又請屬諸軍諸使人置挾名勅五丁上
者推兩丁屬軍遞立節限以便於治詔皆可其奏京師稱之復
爲戶部侍郎人望益重僉以公遂爲宰相會考制舉人獎直言
策爲第一牛僧孺也中貴人大怒宰相有欲因而出之者由是爲嶺
南節度使是時得考策者凡四人公既得嶺南吏部員外郎韋
貫之再貶巴州刺史而李益鄭敬皆抵於患其在廣州以韋詞

爲節度判官任之以政改易侵人之事凡一十有七嶺外之人
至茲傳道之節度使徐申以已俸薄月加三十萬且曰後來所
期共守公引常袞所奏勅皆罷之撤去蒲葵陶瓦覆屋遂無火
災民賴以安監軍許遂振好貨戾彊而小人有陰附之者故遂
振密表譖公直言韋詞李翱惑亂軍政於是除替罷歸遂振既
領後事撻撻吏人求公之非吏人大聲呼曰楊尙書他方所遺
尙不收去豈有侵用官錢乎遂振遽令取他方所遺及其至封
印不啓遂振慚而止宰相裴相素未知公及遂振之譖遂以公
爲吏部侍郎重修甲勅用備姦源又於南曹更置別厯以相檢
覆奏令選人納直爲出籤告以給之吏息奸欺官收羨錢公食
華陰縣志 卷二十一 雜 七十 重安縣林印書社代印

豐黎靡宇以修迄守行遂爲故事凡歷四年補內外官二千
餘員皆當其分無怨訴者轉兵部侍郎兼御史大夫判度支當
淮西用兵漕輓供饋鹽鐵積欠官錢公與之廷辨高霞寓以唐
鄧之師攻蔡州怯懦不敢直進欲南抵申州出於空虛不守之
地其路險狹糧運難繼公面於上前累言利害并以疏陳霞寓
逗留之狀請於北道直進足以援許汝之師賊勢自蹙上許之
霞寓深怨遂內外結構出爲彬州刺史霞寓果敗由是談者知
公之冤其爲彬州躬勤於治不以卑遠爲薄明年召拜原任傳
數日又爲戶部侍郎復知吏部選事元和十四年淄青平兼御
史大夫以本官充東平宣慰處置使是時初誅李師道得袁州

鄆州等十二州列爲三道劉悟既除滑州猶未出鄆及公至悟
 出迎公促之悟即日遂發頒行賞賜皆得其實上其悅謂宰臣
 曰楊某不易得及浙西觀察使李修死上問宰臣崔羣皇甫鎛
 曰何不進浙西人名皇甫鎛知公方有恩懼作相遂言公所至
 皆有理績以臣所見莫如楊某凡數百言上唯以一字應之曰
 惜人聞之者且以爲必相矣是時裴門下既出太原崔中書爲
 鎛所譖鎛又改尊號中上旨故鎛計竟行而公不相矣明年遷
 戶部尙書又一年改太常卿又一年改東都留守兼兵部尙書
 御史大夫充畿汝都防禦使既三年方將告休會以疾而罷乃
 嘆曰年老致政本吾夙志茲則負吾平生心矣疾平遷檢校左
 華陰縣志 卷二十一 雜 七十一 西安縣林印書社代印

僕射兼太子少傅或勸求分司以自便者公曰年至力憊便當
 乞骸骨於朝何用分司爲遂西至京師朝謝訖不到中書遂還
 私家不判上案三上表乞自退詔遷左僕射致仕全給俸料數
 月上表固讓乞就半俸許之廟享之外不復經過人家每佳辰
 體安則以子弟孫僮侍游於園沼之中用以爲適大和四年十
 二月癸亥以疾薨於新昌第享年七十有八天子爲之廢朝凡
 朝廷之賢設位而哭者不知幾人册贈司空明年四月庚午歸
 葬鄭州滎澤縣先太保之兆祔於夫人穎川韓氏贈華陰郡太
 夫人之塋夫人丞相少師休之孫丞相晉國公混之女柔順之
 德紀於前銘下從舅姑四十有三年矣子景復衛尉卿曰嗣復

戶部侍郎

祭楊僕射文 於陵

李 翱

嗚呼貞元中歲公既爲郎始獲趨門仰公之光遂假薦言幽
 用彰德惠之厚身歿敢忘公以直道於南出藩謬管記室日陪
 討論舊政多批如絲之芬與賢共謀穢滌榛燔監戎戾強陰附
 包奸潛譖疑危處之若閑并兼百流清濁終分賓主之義由茲
 益敦公自登朝急於謝政善接交友居官恪敬溫然如春柔立
 不佞坐直屢退進匪由競更歷中外聲華日盛咸期作相爲國
 之慶宜而不居斯可云命知足告休願養於家子爲侍郎光曜
 芬葩亦列卿曹秩祿且多孫童滿前園沼經過門吏盈朝宴賞

華陰縣志 卷二十一 雜 七十二 西安縣林印書社代印

有加宜哉萬壽吉慶靡他棄此弗顧哀哉奈何嗚呼哀哉身誰
 不貴有後斯榮唯公之嗣實大家聲公爲弗亡顯顯其名嗚呼
 哀哉卜筮叶期返宅於滎翔復守郡居不敢寧追懷恩舊躬在
 郊埭承教紀績刻揚德馨編服前導盡哀墓庭尙或監此公平
 有靈嗚呼哀哉尙饗

華陰縣志卷二十一

封秩

歷代分封之秩

定 路史區名紀 商後

曹參 史記曹相國世家 參將兵守景陵二十日三秦使章平等攻參參

出擊大破之賜食邑于寧秦 漢書 曹參守景陵三秦使章平等

攻參參出擊大破之賜食邑于寧秦蘇林曰今華陰

慕容垂 十六國春秋後燕錄 垂奔秦堅以垂為冠軍將軍封賓徒侯食華

陰之六百戶 晉書慕容垂記 垂奔于苻監監以為冠軍將軍封賓都

侯食華陰之五百戶

華陰縣志 卷十一 封秩

元魏太宗姊封華陰公主 魏書

拓跋鶯 北魏書 鶯高涼王孤後元顥之逼鶯從駕北迎既到河內

欲入城鶯曰河內晝則閉門夜引駕入此之意趣難以測量

木圖有在願便發邁帝從之前至長子以爾朱榮赴援除鶯

車騎將軍封華山王興和三年薨子大器襲爵莊帝本紀永

安二年五月丁丑封 北魏史 魏永安二年封安昌縣公元鶯為華

山王

拓跋大器 北魏史 武平 年以 王大器為華山王

拓跋紀 北魏書 紀任城王雲後 文獻通考 紀後孝武入關封華山郡王

豆盧譖 北魏史 周豆盧譖豆盧寧之子也以寧勳賜爵華陰縣侯

王疑 北魏史 魏王疑字道長王猛曾孫為內都大官封華山公子祖

念襲爵

薛真度 北魏書 薛真度河東汾陰人正始初除揚州刺史蕭衍豫

州刺史王超宗率眾圍逼小峴真度遣李叔仁等擊破之封

敷西縣公永平中卒子懷微襲封 北魏史 薛真度正始初改封敷

西縣伯子懷微襲封

薛達 北魏書 薛達河東汾陰人封河東郡侯後以河東畿甸改封

華陰縣侯子承華襲卒子羅漢襲

李延孫 周書 李延孫伊川人孝武西遷後大破慕容紹宗等尋

賜爵華山郡公 文獻通考 李延孫伊川人後周以戰功封華山郡

華陰縣志 卷十一 封秩

公子人傑嗣

楊範 魏書 楊範長樂廣宗人靈太后臨朝封贈爵華陰子納

貨勞民為御史所糾廢于家 文獻通考 楊範北魏閩人封華陰子

高凝 通志 唐高凝神武第十三子天寶初封華山王 文獻通考 北齊

神武第十三子凝封華山王

趙宗旦 宋史宗室列傳 宗旦延安郡公允升子元豐二年封華陰郡王

趙孝僖 仲 商王房孝僖仲癸封華山王

趙士 封華陰郡公

士戢封華陰侯

趙士贛封華陰侯

趙仲寂封華陰侯

趙仲搏封華陰侯

趙仲離封華陰侯

趙宗本封華陰侯

趙仲瓌封華陰侯

趙士仵封華陰侯

趙士璪封華陰侯

趙宗鼎封華陰侯

趙子雲封華陰侯

趙世灼封華陰侯

華陰縣志

趙世將秦王德芳孫封華陰侯

趙世瑞秦王房封華陰侯

趙仲龐封華陰侯

趙仲詔封華陰侯

趙仲歲封華陰侯

趙仲沃鎮王房封華陰侯

趙叔蕃封華陰侯

趙公緬華陰侯

趙叔材封華陰侯

趙克告穎川郡王房封華陰侯

俱燕王房
俱商王房
俱高密郡王房

三
西安縣林印書社代印

趙叔姑封華陰侯

趙克友封華陰侯

趙克倫申王房封華陰侯

趙捨之江國公房封華陰侯

秦藩惠王第三子封華陰端懿王

徐增壽 中山王達第四子也建文時仕左都督常以國情輸

之燕為惠帝所誅永樂初封定國公祿二千五百石以其子

景昌嗣食采于此即今之火者地糧也

歷代崇封之秩

楊喜 漢書功

華陰縣志

從灌嬰共斬項籍侯千九百戶 高后元年有罪免二年復

封十八年薨 文獻通考 赤泉殿侯楊喜

楊敷 功臣 孝文十二年定侯敷嗣十五年薨 唐書宰相 喜生敷

字伯宗赤泉定侯

楊胤 功臣 孝景四年侯毋害嗣六年坐詐給人贓六百免中五

年復封元光二年有罪免 唐書宰相 胤字毋害

楊孟嘗 功臣 元康四年喜元孫茂陵不更孟嘗詔賜黃金十斤

復家

楊恢 功臣 六世子恢代復

楊譚 功臣 七世子譚代

俱助國公房
俱燕王房
俱商王房
俱高密郡王房

四
西安縣林印書社代印